

雩都縣志卷七

秩官志 文秩

漢

按治官知縣在漢曰長秩三百石應劭漢官儀曰萬戶以上為令萬戶以下為長揚州豫章郡惟南昌縣為令餘為長掌治民顯善勸義禁奸治慝理訟平賊恤民時務秋冬乃集課上計於所屬郡國丞一人掌署文書典治刑獄尉一人主盜賊凡有賊發主名不立則推索行尋禁察奸宄以起端緒各署諸曹掾史春夏為勸農掾秋冬為制度掾鄉嗇夫一

雩都縣志 卷之七

文秩

一

人郡所署秩百石掌一鄉主知民善惡為役先後知民貧富為賦多少平其差品三老一人掌教化凡孝子順孫貞女義夫分財救患及學士為民法式者皆表其門以彰異行游徼一人掌徼循禁司姦盜鄉佐一人主收民賦稅亭長十里一人主求捕盜賊

吳附

縣長一人主簿一人錄事吏記室史門下書佐幹游徼議生循行功曹小史廷掾功曹小史書佐幹戶曹掾史幹諸曹門幹金曹賊曹兵

曹吏曹史各一人 獄小吏 獄門亭長 都亭長
捕盜掾 鄉嗇夫三千戶以上置三鄉鄉置一人
史一人 佐一人 里吏一百戶置一里吏一人
校官掾一人 方略吏一人

晉

令一人餘佐屬略同前代

宋

令一人六百石正七品 縣丞一人八品 尉一人
九品齊梁陳隋四代官制大略相同按以上官制可
考宦此者世遠無徵矣

零都縣志

卷之七

文秩

二

唐

令一人從六品 縣丞一人從八品令丞掌導風化
察冤滯聽訟獄凡民田收授縣令給之每歲季冬行
鄉飲酒禮籍帳傳驛倉庫賊盜隄道雖有專官通皆
令丞主之縣尉二員從九品分判泉曹收率課調
司戶一人 司法一人 南唐令佐同

令

李景暘 大厯間任

韋 峒 咸通中任

李 璋 咸通中任

南唐

令

趙 暹

主簿

李

確

宗室

宋

令一員掌總治民政勸課農桑平決訟獄有德澤禁令則宣布於治境凡戶口賦役錢穀賑濟結納之事皆掌之以時造戶版及催理二稅有水旱流亡則撫存安集之無使失業有孝弟行義聞於鄉里者具事

零都縣志

卷之七

宋文秩

三

實上於州激勸以勵風俗職田六頃俸十二千繫京官銜渡江後繫主管勸農營田兼學事淳熙間去主管學事縣印鐫云某年作坊鑄又有銅牌鐫云太平興國五年十一月鑄 縣丞一員初不置熙甯四年增置京選通差陂塘常平義倉茶鹽役錢隸焉 主簿一員選人為之置簿掌出納官物銷注簿書職田三頃俸十二千 尉二員以小使臣為之秩與主簿同商稅務鹽務一員掌茶鹽酒稅場務征輸之事 平頭寨巡檢一員 青塘寨巡檢一員 皆主巡防捍禦盜賊之事

知縣

陳希亮字公弼宣德郎大理寺丞騎都尉天聖中任
詳名宦

陳 橐天聖中任

伍 佑汀州甯化人由科甲以廉能稱為文近古尤
長於詩天聖中任

曾 通字易貫天聖中任

閻 溫字德基皇祐中任

陳用之至和元年任

錢 柘字建侯嘉祐七年任

零都縣志

卷之七

宋知縣

四

沈希顏字幾聖嘉祐八年任詳名宦

張宗諤治平三年任

蔡承禧字景繁撫州臨川人熙甯中任詳名宦

王 鬲熙甯中任詳名宦

黃 恭奉議郎建中靖國元年任

劉鼎臣字和之詳名宦

魏 懋甌甯人紹興初任詳名宦

董 逵承直郎紹興八年任詳名宦

尤 仲承直郎紹興十一年任

劉 藻承議郎保昌人紹興十四年任詳名宦

張泰定宣德郎紹興十七年任

符大中通直郎紹興二十年任嘗以監住錢贍學

邱欽若奉議郎紹興二十三年任著雩都圖經

謝知幾宣教郎紹興二十六年任

余去病宣教郎紹興二十九年任

李 埜通直郎隆興元年任詳名宦

劉安世永直郎隆興元年任詳名宦

黃敦中隆興二年任

王 份字湛然宣教郎乾道二年任

趙思循奉議郎乾道五年任

雩都縣志

卷之七

宋知縣

五

朱椿年字周卿宣教郎乾道六年任修學

晁公絳通直郎乾道九年任

周 因字長覺奉議郎淳熙元年任

陸耘孝字于野通直郎淳熙三年任

陳 衡字季平承務郎淳熙五年任嘗以財賦利害

告丞相趙汝愚從之

邵德一字長卿奉議郎淳熙八年任

林思問通直郎淳熙十四年任

吳 煊字宣卿通直郎淳熙十四年任

黃士宏字時用奉議郎紹熙元年任

謝時舉字于野宣教郎紹熙五年任

趙汝怡字濟川宣教郎慶元三年任

樓 鈞字伯固奉議郎慶元六年任由本縣丞陞

陳祖啓清流人嘉泰元年任

李大章字次夔宣教郎嘉泰元年任撥善惠院田入

學

趙希閔字文中宣教郎開禧元年任

馬 相字孟章通直郎嘉定元年建縣學講堂魁星

樓

陳孟緯字文之奉議郎嘉定四年任

雩都縣志

卷之七

宋知縣

六

李宗之字伯可奉議郎至甯元年任

徐 沂字與叔宣教郎至甯五年任

江以言字季昌宣教郎至甯七年任

楊 洽字和仲宣教郎至甯八年任

余 機字審之宣教郎至甯十年任

李大器字定國通直郎寶慶元年任

汪 杰字惠公通直郎寶慶三年任

曾柬之字次章承議郎紹定元年任次年建縣治廨

字

鄧仲度字文禮宣教郎紹定五年由本縣丞陞任築

城開濠

嚴 燦字坦叔承直郎端平元年任修大成殿

趙宗伯端平中任

周 頌字叔成儒林郎廬陵人嘉熙二年任修大成

殿雩山廟撰雩都志詳名宦

黃邦彥承直郎淳佑間任詳名宦

縣丞

尤 昂延平人從事郎紹興五年任

朱大椿番陽人通直郎賜緋紹興十五年任

戴存正臨川人從政郎紹興十五年任

雩都縣志

卷之七

宋縣丞

七

黃敷忠從政郎隆興二年任

鄭如山上饒人通直郎乾道三年任

范東南劍人從政郎乾道七年任

劉良肱長沙人承務郎乾道九年任

胡昌言廬陵人文林郎淳熙九年任

徐從龍金華人文林郎淳熙四年任

張惟叔長沙人廸功郎淳熙七年任

戴翊世安福人從政郎淳熙八年任詳名宦

王蕩上饒人文林郎淳熙十一年任

樓 鈞金華人宣教郎紹熙元年任陞本縣知縣

周升字南一三衢人文林郎紹熙中任

趙善蓬字道三開封人宣教郎慶元二年任

趙遇字君載三衢人從事郎嘉泰元年任

趙汝似字子有開封人承務郎嘉泰四年任

馮文薦字鶚卿廬陵人廸功郎開禧元年任

余成字平子三山人承務郎嘉定二年任

蔣純臣字持正永嘉人承務郎嘉定五年任

趙汝成字誠甫浚義人承務郎至甯三年任

鄭碩字膚叟三山人廸功郎至甯五年任

趙希環字國瑞開封人從政郎至甯六年任

零都縣志

卷之七

宋縣丞

八

黃思謙字益之邵武人從政郎至甯八年任

姜彌明字用之永嘉人從政郎至甯十一年任

趙汝庀字道夫臨川人文林郎紹定三年任

歐陽鑑字明甫春陵人紹定五年任

鄧仲度三山人文林郎陞本縣知縣

蔡譽字廉夫嘉禾人文林郎端平元年任

龔夢鯉新城人從政郎嘉熙元年任

趙師檣字孚仲衡陽人儒林郎嘉熙三年任

主簿

翁萬嘉佑八年任

謝廷玉

黃葵

俞堅

歐陽龜年

鍾國光

呂伯牛

熊應翔嘉定二年任重建廨宇

林綽然三山人

沈循

趙師紹

零都縣志

卷之七

宋主簿

九

張萬三山人至甯二年任

陳元晉崇仁人至甯五年任

唐筠婺州人至甯十年任

黃裳南豐人

吳浩隆興人

黃延富沙人

趙崇陽信州人

楊豈三山人

鄒盤字藻卿宜黃人嘉熙二年任

歐陽守道廬陵人淳祐三年任詳名宦

縣尉

聶言之天聖中任

陳潛皇祐中任

張穀嘉祐八年任

鄒珂字幾聖熙甯三年任

黃觀光紹興十年任

周必大字子克廬陵人紹興二十二年任以徽州司

戶來攝詳名宦

劉棣紹定二年任

趙愼夫紹定五年任

零都縣志

卷之七

宋縣尉

十

趙岢霽端平三年任

廖邦傑嘉熙二年任

巡檢

缺

元

達嚕噶齊一員從六品凡縣事皆掌其銜謂之監縣

復兼勸農事俸二十貫職田二頃縣尹一員與正

秩同亦兼勸農縣印則達嚕噶齊收之尹封署其上

俸二十貫職田二頃縣丞一員俸一十五貫職田

一頃主簿一員俸十二貫職田一頃縣尉一員

俸十二貫職田一頃其所分掌職司無考或襲宋舊

典史一員俸三十五貫係行省差蓋羣吏之長也其職專掌公牘必待其勘契無差然後次達於上而完署之不然則否 稅課典史務官一員 興仁村巡檢一員 青塘寨巡檢一員 印山寨巡檢一員 藍田寨巡檢一員 達嚕噶齊

達 海元統三年任

馬哈麻後至元五年任

縣尹

會 同高昌人至元十六年任

零都縣志

卷之七

元知縣

十一

曹 勲大德元年任

施德達元統元年任

典史

胡思恭字敬祥至正三年任

巡檢

張國用至大二年任

明

知縣一員正七品月俸七石五斗 縣丞一員正八

品月俸六石五斗 宣德間裁 主簿一員正九品月俸

五石五斗 宣德間裁成化間復設 典史一員未入流

月俸三石 吏戶禮兵刑工司吏二人典吏六人

承發司吏一人 鋪長一人 稅課局大使一員未

入流 宣德間裁 陰陽學訓術一員 醫學訓科一員

僧會司僧會一員 道會司道會一員俱未入流

興仁村巡檢一員從九品月俸五石 吏一員

印山寨巡檢一員 洪武十八年裁 青塘寨巡檢一員

萬曆九年裁 儒學教諭一員 訓導二員俱未入流

月俸三石

知縣

宋 宏 洪武元年任詳名宦

粵都縣志

卷之七

明知縣

十二

程國玘 番陽人 洪武初任

蘇 恪 洪武八年任詳名宦

宮好禮 洪武十七年任詳名宦

查允中 洪武二十一年任詳名宦

徐 遜 洪武二十二年任詳名宦

厲 本 永樂八年任剛斷果決重建學校壇舍坊牌

李 訥 永樂十三年任修葺學校

田 忠 永樂十五年任

汪 榮 洪熙元年任

羅 經 宣德元年任詳名宦

吳 宿莆田舉人宣德七年任

王 琳正統二年任詳名宦

吳 敬廣東曲江舉人正統七年任

歐陽鳳同安舉人正統十一年任

霓 濟福山人正統間任

張 鑑山東壽岡監生景泰四年任

張景賢延平監生天順二年任政平訟簡

馬 軒字叔輿會稽舉人成化元年任愛士恤民

夔 信合肥舉人成化三年任

吳 璿貴池監生成化七年任

雩都縣志

卷之七

明知縣

十三

周 直宜興監生成化九年任

朱 玉湖廣瞿塘衛舉人成化十一年任

李 陽閩縣人成化十三年任

張 淑博羅縣人由都事陞成化十五年任寬厚愛

民

羅 肆成化二十年任詳名宦

黃 葉饒平舉人成化二十三年任寬厚有容

楊可學淮安監生宏治元年優游文學

黃文鉞道州舉人宏治三年任詳名宦

林 鸞龍溪舉人南京金吾後衛經歷陞宏治六年

任興學愛民

高 禹龍溪舉人宏治九年任

邵元瓘字伯厲番禺舉人宏治十一年任

高伯齡字平哲福建長樂舉人宏治十三年任主修

縣志

留 贊西安人宏治間任

劉天錫桂林舉人正德四年任遷學育才修城禦寇

蒲 森巴縣人正德九年任

嚴 鑾烏程監生正德十一年任

周尚文閩縣舉人正德十五年任

粵都縣志

卷之七

明知縣

十四

沈 璇字天粹蕭山舉人嘉靖二年任詳名宦

吳榮賀字廷壽僊居舉人嘉靖五年任

陸 佶字文正鄞縣舉人嘉靖七年任

嚴 簡湖廣華容舉人嘉靖八年任

俞 濬字巨川廣東饒平舉人嘉靖十年任

何鳴鳳字于岐廣西懷集監生嘉靖十三年任

蔡 洞字宏濟宿遷舉人嘉靖十七年任政尚簡靜

嚴時中上虞舉人嘉靖二十年任

葉 本字敦叔慈谿舉人嘉靖二十三年任長於詩

文陞直隸太平府同知

許來學字汝聞餘姚舉人作興學校減水夫平里甲
重修邑志

黃應魁建陽舉人嘉靖二十八年任

卞 瑞字汝佩嘉善監生嘉靖二十九年任

林文甲吳縣舉人嘉靖二十九年任慈祥節省有古

良吏風

范 鏜衡山舉人嘉靖三十三年任

羊 脩廣東儋州監生嘉靖三十五年任修葺城垣

蔣文僑全州舉人嘉靖四十一年任平易近民謙和

好士改調士民環送河干

粵都縣志

卷之七

明知縣

十五

劉 璧貴州清平衛舉人嘉靖四十四年主修邑志

高士蜚新會舉人嘉靖四十五年任接修邑志

夏宗思直隸建平人隆慶二年任清丈田糧

皮應宿湖廣攸縣監生隆慶六年任

沈德琛福建閩縣監生萬曆元年任

游於北福建南平監生萬曆三年任

張維屏廣東臨高監生萬曆五年任

陳仰民福建安溪監生萬曆七年任

劉昌祚武進監生萬曆九年任詳名宦

楊 遇仁和人東安籍進士萬曆十五年任才宏守

潔時督會課循循善誘建立義倉民賴以活

趙思謙直隸定遠舉人萬曆十六年任

陳士俊山陰貢生萬曆十七年任清滌濠塘建文昌

閣

崔之環廣西靈川舉人萬曆十九年任

黃應元道州選貢宏治間知縣文鉞曾孫也萬曆二

十年任懲蒲博禁龍舟飭吏胥弭奸盜尊賢敬士

有乃祖之風甲午主修邑志陞建昌同知

胡 輅全椒舉人萬曆二十六年任

邵希堯青浦選貢萬曆二十八年任

雩都縣志

卷之七

明知縣

十六

沈容賢涇縣選貢萬曆三十二年任

陳懋學福清舉人萬曆三十四年任陞兵馬指揮

阮 悉懷集舉人萬曆三十八年任陞廉州府通判

詳名宦

王道成武陵舉人萬曆四十三年任陞吉安府同知

賽啟皋石屏籍壽州舉人萬曆四十八年任詳名宦

楊大名鄞縣恩貢天啟四年任

武光岐上元舉人天啟六年任

姚 紀山西浮山貢生天啟七年任

宋仰潛四川郫縣恩貢崇禎三年任

鄭楚勳莆田舉人崇禎七年任考選雲南道御史詳名宦

周鉉南海舉人特用崇禎十五年任

張魯傳崑山貢士甲申年任

郭際昌蒼桐舉人特用乙酉年任

縣丞

陶 鎔建文二年任

傅 英永樂十八年任

蔣 遠字文質洪熙元年任詳名宦

郭 銘江夏人宣德五年任

零都縣志

卷之七

明縣丞

十七

羅 鳳四川南京人宣德十一年任

張 順天順六年任 後裁

主簿

劉 威永樂十八年任

潘 純淮安人由人材進宣德五年任

馬 俸富順監生

劉 騰直隸太和縣人

林 洪長樂人由巡檢陞宏治六年修教場建泮橋

蔡 芳舒城人由巡檢陞宏治十一年任

周 顯江都人由京庫官陞宏治十七年任

程子厚 閩縣人 宏治中任

賀紹芳 南海人 宏治中任

郭 輔 山東陵縣人 正德九年任

神 志 廣東曲江人 正德十二年任

雙 萃 南甯衛監生 正德十六年任

畢 銘 歙縣監生 嘉靖五年任

高 祿 邵武人 嘉靖十六年任 才能禦寇

吳文言 湖廣通山監生 嘉靖二十二年任

陳世舉 儋州人 嘉靖中任

郭 銓 蘭溪人 嘉靖三十二年任

粵都縣志

卷之七

明主簿

十八

方茂梧 莆田人 貢士 嘉靖三十七年任 詳名宦

張宗涑 湖廣廣濟人 嘉靖四十一年任

盛世榮 於潛人 嘉靖四十五年任

芮伯奇 武進監生 隆慶三年任

王 俸 會稽儒士 隆慶六年任

朱 渠 溧陽監生 萬曆三年任

張 臬 溧水監生 萬曆四年任

朱時春 漳浦監生 萬曆六年任

王顏鎮 慈谿人 吏員 萬曆十年任

韓 文武 康監生 萬曆十四年任

劉大教大倉州儒士萬曆十七年任

勞從法南海人萬曆十九年任

陳所學縉雲人

陳 映同安人

朱邦瑞遂昌人

汪 績黃巖人

孫光曙吳江人

劉希迪巴陵人

鄒 愷河源人俱萬曆間任

陳鼎卿池州人崇禎元年任

雩都縣志

卷之七

明主簿

十九

任理繼甯波監生崇禎四年任

陳 珂上虞人崇禎六年任

馮 熾廣東新興監生崇禎七年任

俞汝璉金華人崇禎十年任

李文連江陵人儒士崇禎十二年任

王懋棠會稽人崇禎十五年任

趙 璧浙江人乙酉年任

典史

李廷中永樂十八年任

孫 聰郟城人正統二年任

梁晚甯正統中任

鍾振正統中任

朱昊平湖人景泰元年任

張勝麻城人天順六年任詳名宦

麻善勤黃巖人成化二年任

朱清浙江山陰人成化四年任

時玫直隸興化人成化六年任

吳添莆田人成化十年任

陳通連州人成化十三年任

麥盛

雩都縣志

卷之七

明典史

二十

陳春廣東人

陳同安饒平人宏治四年任

張晟含山人宏治九年任

莊正龍溪人宏治十五年任

葉茂南海人正德五年任

張濱廣東人正德十三年任

焦信廣西靈川人正德十三年任

黃岳浙江太平人嘉靖二年任

郭尚達福清人嘉靖五年任後陞湖廣大治主簿

吳激麻城人嘉靖十三年任

馮敬會稽人嘉靖十八年任

陳雲衢莆田人嘉靖三十三年任

詹秉珪莆田人嘉靖三十九年任

周濟江夏人嘉靖四十一年任

王伯珊鄞縣人嘉靖四十三年任

汪穎孫慈谿人嘉靖四十五年任

趙厚上元人隆慶三年任

朱邦翰涇縣人隆慶六年任

倪光輝永康人萬曆二年任

陳一信福清人萬曆五年任

雩都縣志

卷之七

明典史

二十一

石廷玉沅陵人萬曆八年任

陳繪南靖人萬曆十二年任

鄭錡閩縣人萬曆十六年任

祈天佑應城人萬曆二十年任

翰元迪文昌人

龔嘉會上虞人

蔣士朝崇德人

陳應亨平湖人

徐嘉秀永嘉人

畢懋元歙縣人

陳 鎧江陵人

郭 振旌德人

黃尚榜義烏人

龔應民邵武人

朱國祥江浦人天啟七年任

徐士俊貴池人崇禎三年任

余文紅金華人崇禎六年任

方宏成山陰人崇禎八年任

洪應煌蕭山人崇禎十年任

姜應詔黃岡人崇禎十五年任

雩都縣志

卷之七

明典史

二十二

教諭

郭會可本縣人由人材洪武初任

嚴省吾由人材洪武初任

黃 輔字均佑本縣人由人材建文三年任

梁致育高安舉人永樂間任

黃汝濟祁門人永樂十八年任

齊 普天臺舉人宣德間任

蔡 亮莆田舉人正統九年任律已嚴恪士多感化

購民地闢學宮

黃 齡福建龍巖人正統十一年任博學能文

蔡 鎔武進人天順三年任

陸 瑜浙江山陰人成化三年任

唐 觀歸善舉人成化十年任

梁 育成化十五年任

蔡 玹廣東保昌舉人成化十八年任

李 時昆明人宏治七年任

黃汝顥莆田舉人宏治十三年任

楊 鳳莆田舉人宏治十六年任陞九江府教授

張 盱浙江山陰人正德四年任

鄭伯棟福清舉人正德九年任陞南京國子監助教

粵都縣志

卷之七

明教諭

二十三

劉鉞廣西平樂人嘉靖元年任

羅 僖廣東興甯人嘉靖六年任

胡 淪定海人嘉靖十四年任

湯宗智直隸六安人嘉靖十九年任

鄭 臣海陽舉人嘉靖二十三年任與脩丙子志

黎天啟廣東順德舉人嘉靖二十七年任陞國子監

學錄詳名宦

林公惠福清人嘉靖三十年任學問宏博

盧 瑄博羅舉人嘉靖三十八年任陞國子監學正

勤於訓課雅有成績仕終工部員外郎

蕭棟宣化舉人嘉靖四十一年任陞高要知縣詳名宦

章宗儒靈璧人嘉靖四十四年任

康天衢鄖陽人隆慶二年任陞荆府教授

傅宗說金谿人隆慶五年任陞藩府教授

劉公輔安仁人萬曆二年任陞藩府教授

鄭士鸞玉山人萬曆八年任

陳言福建和平人萬曆十一年任陞藩府教授

蕭廷對泰和舉人萬曆十四年任陞國子監助教雲

南石屏知州祀名宦

零都縣志

卷之七

明教諭

二十四

黃學夔樂平舉人萬曆二十年任

鄧林木桂陽人

蔣世亨豐城人

陳良翰萬年人

孫必芳德化人

李夢賢南城人

李聯芳亳州人

馮生京安陸人

丁守正萬載人

李元會分宜人

朱孔昭豐城舉人陞臨淮知縣

劉啟龍

徐文明奉新人天啟七年任

曾光祖清江舉人崇禎二年任

李世元吉水舉人崇禎七年任中丁丑進士湖州推

官

雷 穀豐城舉人崇禎十年任德性溫和矩度端謹

與諸生講學論文終夜不倦

張嘉猷武甯人崇禎十二年任

陳玉綸龍巖人崇禎十五年任

雩都縣志

卷之七

明教諭

二十五

訓導

董 萁宣城舉人永樂中任明於經術尤善啟迪

張福生徐聞人

脫 英龍城舉人正統元年任撰邑志

啟 和吳川人

陳龍貞廣東徐聞人正統元年任

陳 旋長樂舉人景泰元年任

周 全山陽人天順二年任

吳 金浙江建德舉人天順六年任

容 晞高要舉人天順七年任

蔡 育宣城舉人成化元年任

陳 諶廣東吳川人成化五年任

陳 鍾福建平章人成化十一年任

高 魁四會人成化十二年任

詹 輯長泰人成化十三年任

蔣 弼青田人成化二十三年任

徐 泰廣東廉州人宏治四年任

留 瓚西安人宏治六年任

陳嘉謨廣東海康人宏治十年任

吳 俊澄蓮人宏治十六年任

粵都縣志

卷之七

明訓導

二十六

張 淪丹徒人陞新淦教諭

梁 瓘正德二年任

朱 泰海陽人正德四年任陞直隸歙縣教諭

李 光高要人正德八年任陞教諭

潘顯宗茂名人正德十一年任

林 隆象山人正德十六年任

黃元華廣東海豐人嘉靖二年任

陳 瑞福建泰甯人嘉靖十年任

齊啟和福建懷安人嘉靖十三年任陞廣東香山教

諭遷學任勞

林文潮龍溪人嘉靖十七年任

謝京於潛人嘉靖十八年任

王鑑永康人嘉靖二十三年任

方祚淳安人嘉靖二十四年任

黃允盛閩縣人嘉靖二十七年任

張格義烏人

林敦福建永安人嘉靖三十二年任

范文甲福建大由人嘉靖三十五年任陞教諭

羅一道高要人嘉靖三十八年任

李廷環茂名人嘉靖四十三年任

粵都縣志

卷之七

明訓導

二十七

易學就廣東化州人嘉靖四十三年任

劉元佑福建福安人隆慶元年任

何裳浙江新昌人隆慶元年任

李志夔崇化人隆慶四年任陞南康教諭

張昊鳳陽人隆慶五年任陞教諭

易利成萬載人萬曆三年任

桂可善貴溪人萬曆四年任陞安義教諭

郭子才泰和人萬曆五年任

周治新淦人萬曆九年任陞南陵教諭

簡御煩清江人

官中興始興人萬曆十五年任陞電白教諭

劉用中永甯人萬曆十六年任陞蜀府教授

劉學星子人萬曆二十年任

邱文範連城人萬曆二十一年任

熊京南昌人萬曆二十六年任

章中臨川人尊嚴廉介士皆悅服

王風泰電白人萬曆二十九年任

段銀赤水衛人萬曆三十一年任

劉會大庾人萬曆三十四年任

高體明宜山人

雩都縣志

卷之七

明訓導

二十八

傅良佐南城人

彭士進分宜人

向喬宜都人

李和巴陵人

賀恩四川人

胡永斌

張旻雲南大姚人天啟五年任

黃廷縉廬陵選貢天啟六年任

喻應夔南昌人崇禎三年任陞興山知縣

方泰崇仁人崇禎七年任後陞知縣

邱仰龍光澤人崇禎十年任

陳三策大田人崇禎十一年任

高 翀廣西宜山人崇禎十三年任

胡 淳浮梁人

周九思武甯人崇禎十六年任

巡檢

何 棹岳州人

劉 義揚州人

韓 斗順慶人

李鎮南台州人

雩都縣志

卷之七

明巡檢

二十九

戴 斌蘇州人

石 增濟南人

徐思仁衢州人

張時春績溪人

左拾言桐城人

吳 琦和州人

毛元道餘姚人

陳 愈南靖人

羅文道長沙人

劉 電當塗人

張大經貴池人

王 耀慈谿人

欽大縉餘杭人天啟六年任

蕭厚中

畢竟安

郭一中

張元吉

何若海

褚兆祺

雩都縣志

卷之七

明巡檢

三十

國朝

知縣一員正七品歲俸四十五兩養廉銀八百兩

典史一員未入流歲俸三十一兩五錢二分養廉銀

六十兩 興仁司巡檢一員從九品歲俸養廉與典

史同 儒學教諭一員正八品歲俸四十兩 訓導

一員從八品歲俸四十兩

知縣

周士猷江都附監順治三年以長汀縣丞奉 貝勒

招諭仍令雩寬仁鎮靜士民賴以安全署縣事三

月合邑感恩肖像祀之

薛枝華山東濱州歲貢順治四年任慈祥寬厚時當
搶攘雩民得以安堵者皆其力也

楊仕顛蒲城進士順治七年任潔己愛民博學能文
母老告歸不能治裝惟圖書數篋及行士民攀舟
哭別去任三年雩人思慕舊德立主祀之

何 鏗華亭進士順治九年任實心愛民雅意造士
建明倫堂蠲贖鍰減刑杖推誠以撫劇寇終其任
不敢叛營丁有攘奪者侯痛懲之由是斂戢諸生
有貧而逋賦及不能婚娶者侯皆捐俸佐之癸巳
督府發兵蕩剿隣寇郭達伯諸將妄欲株連屠掠

雩都縣志

卷之七

國朝知縣

三十一

侯力爭之長樂佛婁安富安仁諸里數萬生靈賴
以保全侯雖才太不敢自任凡一邑利弊必咨訪
而罷行之尤樂受直言不吝改絃每月分題課士
親加評閱一時絃歌比屋士類奮興比憂歸士民
如失慈母有送至千里者去後建祠祀之

王雨潤北京清苑舉人順治十二年任

李祐之長山貢士順治十四年任修葺城垣佐平劇
寇主修壬寅縣志秩滿陞無為州知州詳名宦

傅若訓孝感人康熙三年任政尚簡要有古循良風
咎文燦三原舉人康熙三年任

張 漱黃梅副榜康熙七年任才長識敏刑清政簡
佐平崖賊城賴保全士民感戴建祠祀之

劉運樞東阿舉人康熙二十年任

岳 崧曲周會魁康熙二十四年任清操愛民每月
課士手自批閱民苦里役值撫院宋公犖檄縣革
除侯實心奉行釐剔陋規在任七年去士民立衆
母祠於河之南澣即今之義渡庵置田住僧祀之
趙 愷永年舉人康熙三十一年任勤慎詳明剔弊
釐奸創造奎星樓以培文風歲值大比每月兩試
七藝由是多士蔚起皆侯振興之力九載致政歸

零都縣志

卷之七

國朝知縣

三十二

都人士建講院祀之

盧振先字孝則盛京錦縣人康熙四十年任主修戊
子邑志詳名宦

單 賡萊州高密舉人康熙五十三年任

章 煜紹興掾史康熙五十四年任

王世濟常州無錫舉人康熙六十年任

方景詡蘇州崑山進士雍正二年任

陳 惠湖廣江夏進士雍正四年任

柴大用貴州貴筑解元雍正六年任

聶蟾宮代州崞縣進士雍正七年任

劉 鎬山東掾史雍正八年署

黃濟世萊州即墨例貢雍正八年任革除宿弊窮鄉
僻壤夜不閉戶吏胥奉公守法稱神宰焉

張守謙代州崞縣舉人雍正十年署

胡錫爵廣西桂源舉人雍正十年任

傅 誠杭州仁和進士雍正十三年任

張若涇桐城監生乾隆十三年署

左修品衡陽監生乾隆十三年任詳名宦

梁德隆嘉應州進士乾隆十五年任

高顯宗吳縣舉人乾隆十六年署

零都縣志

卷之七

國朝知縣 三十三

高澤叙直隸靜海舉人乾隆十七年任

李宏鏞陸川舉人乾隆二十九年任

鄒 儀無錫舉人乾隆三十一年任

黃應超吳縣舉人乾隆三十五年任

劉嘉賓高陽舉人乾隆四十一年任

何 浩山陰監生乾隆四十四年攝劉令□數月革

弊政清宿獄吏胥守法士民悅服作去思碑為立

其主於左公祠

邢纘祖山西孟縣舉人乾隆四十九年任

邢邦振廣西舉人乾隆五十四年任

安穎新直隸舉人乾隆五十五年任

方性晉河南監生乾隆六十年任

王應豫四川舉人嘉慶三年任

劉書田福建舉人嘉慶四年任

徐培浙江仁和舉人嘉慶五年任督修城池竭力經營

孫傳緒安徽舉人嘉慶十年任

雷學淦順天舉人嘉慶十四年任為政有體創建考棚殫竭心力士人德之為立祿位於考棚之西

牛廷炤山西安邑舉人嘉慶十七年任督建考棚愛

雩都縣志

卷之七

國朝知縣 三十四

民重士後學感其德為立祿位於考棚之西

張湄河南汲縣拔貢嘉慶二十年任捐廉設立義學置買育嬰堂勸士民捐資收養嬰女設義倉勸民輸穀以備荒歉皆善政也邑紳耆頌以扁曰教養惠周

朱楣安徽涇縣進士嘉慶二十三年攝張令篆鈕士元順天宛平舉人道光元年任倡率士民議修縣志

向應桂湖北巴東拔貢道光三年攝鈕令篆承修縣志倡改書院

黃 濬浙江太平進士道光三年任主修縣志八年復任

張 溥浙江監生道光五年署

張溥雲直隸定興拔貢道光十年署

貴 興正黃旂蒙古廕生道光十三年任

宋應文安徽銅陵進士道光十七年任剔除積弊痛懲訛詐至今猶頌其德

湯濬川河南舉人道光二十年署

梁寶森雲南昆明進士道光二十二年任

張文誥甯河舉人道光二十三年署清正廉明愛民息訟

零都縣志 卷之七

國朝知縣 三十五

德英額正白旗滿州監生道光二十三年任

李世琦甘肅武威軍功同知道光二十四年署果敢

明斷士民樂業吏胥守法

張炳堃四川華陽進士道光二十五年署愛民重士政簡刑清

徐 燧江蘇荆溪舉人道光二十六年任

薛桂山山西天長舉人道光二十七年署

潘毓瑞山西滎河進士道光二十八年任涖任三次

制行勤慎存心愷悌咸豐癸丑倡修城垣丁巳調

署甯都捐廉九十串為昭忠祠中元燒紙費又捐

洋邊壹百貳拾員收陣亡骸骨修義塚幽明感德

後補河口同知

顧友仁順天大興舉人咸豐五年任六年五月在大

西門外禦賊陣亡 勅祀昭忠祠

楊毓藻山西榆次舉人咸豐七年任十二月髮逆陷

城卷戰陣亡 勅祀昭忠祠

蔡恕德湖北漢陽舉人咸豐九年任

劉長景湖南新甯文童同治元年任九年冬署會昌

晉郡過雩見書院鼎新捐廉六十串為膏火資

鄒汝銓四川開縣監生同治三年秋由興仁司陞署

驚惶侯獨力應接毫不勞民又親詣軍門請論
禁止入城民賴以安僅八閱月因事去任士林惜

雩都縣志

卷之七

國朝知縣 三十六

之甲戌回江候補催收差欠來縣合邑思其惠愛
以愛留棠蔭政洽花封額頌之

顏壽芝湖北松滋副榜同治五年任治雩四載多善

政上憲以審斷勤明操守廉潔嘉之邑紳以學道

愛人匾頌之同治九年倡修縣志詳名宦

唐家桐湖南零陵增生軍功知府銜同治九年十月

攝雩篆捐廉壹百四十串為書院膏火資尤諄諄

勸民息訟邑紳以嘉惠士林關心民瘼額頌之

陳翔墀福建長樂進士同治十年署承修縣志勸捐

王 穎直隸肅甯舉人同治十一年任癸酉春主修

縣志勸諭城鄉捐輸始克付梓

教諭

涂 贄字五瑞豐城舉人順治四年任器量深沉學
有原本每月集生徒講明經學有蘇湖遺風

甯若愚字象元新昌舉人順治十年任博學能文方
正嚴潔

鄭孟焜興安歲貢順治十六年任

萬先登臨川舉人順治十八年任與修壬寅邑志

雩都縣志

卷之七

國朝教諭 三十七

聶 雯永豐例貢康熙二十一年任

周宗濂南昌例貢康熙三十四年任卓異陞上杭知
縣

淦時仕建昌貢生康熙四十二年任

劉首魁廬陵副榜康熙四十五年任與修戊子邑志

吳 芹新昌拔貢康熙五十二年任

饒然生進賢 恩貢雍正四年任

王 位南城舉人乾隆五年任卓異陞四川知縣

孔傳桂新城舉人乾隆十三年任

黃朝鼎宜黃舉人乾隆十九年任陞教授

賴 灝廣昌舉人乾隆三十五年任

樂三省樂安拔貢乾隆四十五年署

熊含章乾隆四十六年任

黃紹珏都昌舉人乾隆四十九年任陞袁州教授

游 篁樂安拔貢嘉慶七年任

熊儀彬豐城拔貢嘉慶九年任

劉 璫龍泉廩生嘉慶十年任

楊 卓清江副貢嘉慶十二年任

洪日榮宜黃人嘉慶二十一年任

董 正新淦拔貢嘉慶二十二年任

零都縣志

卷之七

國朝教諭 三十八

夏涇錦德化舉人道光五年任

甘逢年南昌舉人道光六年任

袁東蔚新喻舉人道光二十二年任

汪司厚貴溪副榜咸豐八年任

熊鶴樓廬陵廩貢咸豐十一年任好學不倦勤於課

士壬戌科舉於鄉

鄧從龍清江廩貢同治四年署

褚賚文高安 恩貢同治七年任勸修東署與修甲

戌邑志

訓導

楊宏佺南昌歲貢順治十七年任

易理簡宜春歲貢康熙七年任

李予璐豐城歲貢康熙十六年任

劉嘉謀廬陵歲貢康熙二十四年任

錢天城彭澤歲貢康熙三十八年任

張應達南昌歲貢康熙三十八年任

潘璘登瑞昌歲貢康熙四十年任

宋朱紱萬載歲貢康熙四十二年任

劉時泰南昌歲貢康熙四十五年任與修戊子邑志

雩都縣志

卷之七

國朝訓導

三十九

張士毅南城副榜康熙五十一年任

況爾霖高安歲貢康熙五十八年任

涂大諱新城附貢康熙五十九年任

劉若拭吉水歲貢雍正四年任

嚴定選南康歲貢雍正九年任

戴如蓮樂平歲貢乾隆九年任

萬□輝南昌歲貢乾隆十四年任

周尚文新喻歲貢乾隆二十年任

姚元柱鉛山歲貢乾隆二十六年任

胡聖緝甯州歲貢乾隆三十年任

鄔 鑑德化歲貢乾隆三十六年任

葉和春新建舉人乾隆三十九年任

劉肇虞宜黃舉人乾隆四十八年任

段逢藻樂平舉人乾隆五十八年任

袁夢旂吉水舉人嘉慶十年任

鄒 虹宜黃舉人嘉慶十四年任

彭際會奉新廩貢道光二年署

楊 沂崇仁廩貢道光三年署

胡可裕新昌舉人孝廉方正道光四年任

羅安邦上高舉人道光十一年任

雩都縣志

卷之七

國朝訓導

四十

盧化鵬新昌舉人道光二十一年任

蔣 崑新喻舉人咸豐二年任七年冬城陷不屈而

死祀昭忠祠

謝廷斌甯都舉人咸豐九年任

羅士恂南昌附貢國子監學正咸豐十年署在任九

載模範士林邑人感戴以仗義執言推誠立教額

頌之

熊符夢德安舉人同治七年任

典史

張一洪紹興諸暨人順治四年任

姚學伊平陽蒲州人順治五年任

高琦海登人順治九年任

尹治民真定元氏人順治十三年任

劉餘廕宛平人康熙元年任

江自氓山陰人康熙十七年任

李若梓涿州人康熙十九年任

王振邦壽張人康熙二十二年任

賈可欽臨漳人康熙二十九年任

雩都縣志

卷之七

國朝典史 四十一

傅國用宛平人康熙三十一年任

劉孟輝獻縣人康熙四十二年任禮賢敬士弭盜安

民督修城垣學宮諸大工役勤謹有功

王樸徐州人康熙五十四年任

祝涵宛平人康熙五十五年任

王廷琦會稽人雍正八年任

姜有積鄆州人乾隆元年任

張文英河間故州人乾隆四年任

李璠上元人乾隆十五年任

徐湘濤乾隆四十一年任

李基元

鄧世祿

吳紹芳安徽監生乾隆五十六年任在雲三十餘年
奉行憲法勤慎供職庚申洪水日夜巡城尤深勞
瘁民賴以安

袁錫猷宛平人道光元年署

胡鑑彰福建侯官人道光元年署

黃蘭江蘇陽胡人道光二年任

喬 瑤順天宛平供事道光十一年任

諸嘉祥浙江會稽監生道光十六年任

雩都縣志

卷之七

國朝典史 四十二

王文瑋浙江會稽監生道光二十三年任

謝紹鈞順天大興吏員嘉應州平遠人道光二十四
年任

許恩培浙江監生咸豐六年署禦賊陣亡祀昭忠祠

狄 淵浙江仁和監生咸豐十年任

朱家霖江蘇上元供事同治五年任

萬柄元湖北天門附貢同治十年署

顧 楨浙江上虞監生同治十一年任

巡檢

陳明新紹興人

張宏毅浙江人

褚學禮遼東人順治十八年任

汪 渾建德人康熙十六年任

高象震山陰人康熙二十五年任

李鼎彝平陰人康熙四十二年任

封 晏會稽人雍正二年任

孫廷元大興人乾隆六年任

許恒年武陟人乾隆十四年任

雩都縣志

卷之七

國朝巡檢

四十三

張宗衡吳縣人乾隆二十年任

高 份

自此至嘉慶初因庚申洪水案牘漂沒歷任名籍無攷故不及詳

程 銘江蘇鎮江人嘉慶三年任

楊 曙江蘇武進人嘉慶十年任

俞昌時浙江德清人嘉慶十二年署

胡起楊湖南平江人嘉慶十二年任

陳 疇直隸天津人嘉慶十六年任

席存廉江蘇太湖人嘉慶十九年任

平元方浙江山陰人道光二年任

丁永年浙江山陰書吏道光十二年任乙巳復任

諸允成順天大興供事道光十八年任

常廉臣山西榆次俊秀道光二十七年任

聞樹功河南裕州職員咸豐七年任

鄒汝銓四川開縣監生同治二年任三年秋攝縣篆

韓錫爵甘肅武威吏員同治五年任

零都縣志

卷之七

國朝巡檢

四十四

武秩

按零都駐防城守及興仁汛俱屬南贛鎮標左營所轄
自

國朝康熙間定制而後歷有分防之員顧前志缺如迨嘉
慶庚申案牘悉厄於水名秩全湮今錄其近而可攷
者

城內駐防把總

彭耀廷贛縣人行伍

徐志洪贛縣人行伍

李漢魁贛縣人行伍嘉慶十五年任

廖聯輝石城武舉嘉慶二十四年任

蔡勇穎縣人行伍道光二年任

趙連陞穎縣人行伍道光二十一年任

吳廷瑞大庾武生道光二十四年任

徐榮陞穎縣人行伍咸豐七年任

藍用光大庾武舉咸豐八年任

潘玉桂穎縣人行伍咸豐十年任

鍾榮陞穎縣人行伍同治二年任

郭鎮藩安遠武舉同治五年任

劉榮貴穎縣人行伍同治八年任

雩都縣志

卷之七

武秩

四十五

陳占魁穎縣人行伍同治十年任

城內協防外委

張加佩穎縣人行伍

謝君榮穎縣人行伍

易亮穎縣人行伍嘉慶二十二年任

張元得穎縣人行伍嘉慶二十五年任

黃士華穎縣人行伍道光二年任

王光富穎縣人行伍道光二十一年任

羅福興贛縣人行伍咸豐三年任

劉景榮贛縣人行伍咸豐六年任

張步高龍泉人行伍咸豐九年任

彭開均大庾武生同治九年任

興仁汛駐防把總

徐志洪贛縣人行伍

蕭上達贛縣人行伍

李漢魁贛縣人行伍

賴聯芳瑞金武舉

廖聯輝石城武舉

雩都縣志

卷之七

武秩

四十六

吳得龍贛縣人行伍

蕭大林贛縣人行伍

興仁汛協防外委

彭萬清甯都人行伍

陳 鏜贛縣人行伍

郭 剛廬陵人行伍

雩都縣志

卷之七

武秩

四十七

論曰自周官有縣正各掌其縣之政令而賞罰之知縣之名所始也漢制縣萬戶以上為令減萬戶為長侯國為相秩次亦如之蓋因秦制也晉制不經宰縣不得入臺為郎隋有令有長唐有赤畿望繁上中下之差宋建隆間以朝臣為知縣天聖中非兩任縣令不除監察御史勝國初有上中下縣之差既而品定用以考殿最黜陟至今不改也今之雩治昔嘗以其地為南康郡有南部都尉焉以地繫官亦所應書者

然事遠年湮缺有閒矣其他幕職諸曹更可知也書之自唐之令宋之簿尉始嗚呼古人有貴至公輔常恨未為親民之官者以其德澤之易究也其列於茲簡者未必德澤之甚究也而德施澤播者可參伍稽矣後之覽者亦尚思振起於斯編

又曰雩之武秩窺前志之所以缺如者以為太平之世民不知兵譬如牧羊鞭其後者固可以撤其藩也不知羝無亂羣亦羸角之助矣有備無患於補錄三致意焉

名宦志

宋

陳希亮字公弼四川眉州青神人天聖中任縣令清勁端介時老吏曾腆舞法希亮首得其罪鞫之叩頭流血請改過乃戒而釋之腆以家資助官創學遣子弟入學卒為善吏子弟有登進士者巫覡歲斂民財祭鬼謂之春齋否則大災民訛言有緋衣三老人縱火希亮禁之民不敢言火亦不作毀淫祠百十區勒巫為農七十餘家及代父老等送之皆泣拜曰公舍我去緋衣老人出矣希亮語言堅確不容人過王公

雩都縣志

卷之七

名宦

四十九

貴人皆嚴憚之見義必為不較禍福所至奸民猾吏無不凜凜然本於仁恕故雖嚴而不殘發軔自雩後富鄭公薦之三將漕一司臬五典郡仕至太常少卿贈工部侍郎

沈希顏字幾聖四明人嘉祐中任質性謙和廉直公恕興學勸農平訟寬賦三年百廢俱興吏民畏懷邑有妖禽夜啼甚哀希顏賦詩曰此處離朝路幾千為官不取半文錢平生不養無情鳥遮莫妖禽夜哭天詰旦禽遂去縣西峽路崎嶇希顏鳩工開道往來便甚及代王鴻作序送之其畧曰督賦以寬決獄以敏

處己以廉御吏以法明足以照欺弊威足以服奸頑
民有爭訟一切教諭使辨曲直有罪立遣無致蔓延
邑居恬安不撓不煩治邑三年風和雨順菑沴不生
寇竊潛消公私饒裕百廢具興教養有經齊民化遷
鴻隱君子不輕許可人蓋實錄云

蔡承禧字景繁臨川人天才宏放立己孤峻舉進士
司理太平州調知雩都決事明敏吏不敢喘息熙甯
中擢監察御史疏劾呂惠卿怙權任私蘇軾稱其事
君傾盡惓欵持心不倚卒贈大中大夫

王鬲山西大原人熙甯中以著作為縣令博學能文

雩都縣志

卷之七

名宦

五十

作孝義圖以示民嘗移需巖王鴻手植木樨於郡庭
都官劉彝以詩啟謝之通判黃巽贈詩云縣尹親移
來郡閣山翁遠負到雩庭南康州守方蘋和云分將
翠色來雩邑候爾清風植府庭先生高卧何由見想
在漁舟弄紫萍尊賢樂善之風藹然可見

劉鼎臣字和之初授南安軍大庾主簿上書言十事
用事者惡其訐直指為元祐黨人遇赦授雩都令政
平訟理民甚悅服

劉藻字廷潔保昌人紹興間任首興學校勸民耕織
設施布置悉有程度修築城池以捍外寇前任王鬲

作孝義圖化民藻集舊本列二十四圖像著文刊布使民誦習佩服焉邑氏化之至割股救親者有六人以秩滿去民為立祠祀之復州守陳敏作記

劉安世字世臣安福人紹興間登進士第任縣令時郡丞以廩虛議減將校月給諸軍大譁民甚恐安世曰出給吾職借帑錢給之譁者乃息郡丞自愧時稱其才及改秩郡官諷獻羨餘安世曰田瘠賦重安事羨餘遂以疾辭去歸而設教遠近從遊者踵至楊萬里嘗師事之安世沒萬里為之制服稱清純先生

董達紹興間任知縣持己正直處事公平始新縣治
重 建 學 校 崇 教 化 敦 禮 義 愛 賢 好 士 文 風 大 振 秩 滿 去 民 咸 思 之

零都縣志

卷之七

名宦

五十一

黃邦彥字追翁括蒼人淳祐間任縣令資性剛直敏諒疏通臨政之初謂化原在學乃詣宮墻日與諸生講論治道四民安業鋤治奸頑撫慰良善境內晏然遇災則發廩賑之決獄平反百廢具興臺撫皆旌口之

魏懋字覺民甌甯人第進士宋紹興初調零都令江西盜起虔諸邑多失守懋出帑金犒勵弓級誓與死守寇攻城累日不能克遁去大將岳飛提兵過零目

擊井邑俱無殘毀甚稱賞之後知南昌縣

周必大字子克一字洪道廬陵人紹興中監臨安府和劑局局門內失火延燒民家逮吏論死未報必大問寺吏曰假火自官致當得何罪吏曰當除籍為民必大遂自誣狀坐失官吏得免死必大歸益自刻苦讀書不倦試博學宏辭科以入選授徽州司戶來攝雩都尉後累至丞相封益國公

歐陽守道廬陵人少孤貧自力於學以德行為鄉里儒宗淳祐初舉進士授雩都主簿以憂歸後累官至著作郎兼崇政殿說書學者稱巽齋先生

雩都縣志

卷之七

名宦

五十二

周頌字叔成嘉熙二年任知縣施為緩急具有條理實心惠民四野晏然始撰雩志所著風俗學校人才坊郭科目兵制財賦諸論俱切於雩

戴翊世字漢卿安福人淳熙二年進士授衡山尉遷雩都丞守籍其能留置幕職有詔漕臣通融州縣財賦守檄翊世力爭於漕臺得減歲計三萬六千緡攝賊曹倅謂鄉兵無益於戰徒耗縣官錢罷遣之省費萬計而隣盜卒亦無敢犯秩滿調江華令

明

宋宏洪武元年任知縣時值草創公事蝟集宏修理

庶務孜孜不怠建各官吏廨舍暨按察司行署城隍廟社稷等壇規畫制度悉有程式營邑之功推頌第一

蘇恪洪武八年任知縣廉能振治吏民無不畏懷四境之內樂享安平陞福州府同知

宮好禮山東莒州人由人材洪武十七年任知縣雅有才幹措置井井嘗葺學宮修壇墀慈惠愛人民咸悅服

查允中直隸休甯人由監生洪武二十一年任知縣時值周三官之變殺擄人民萬餘田土盡荒征南將

雩都縣志

卷之七

名宦

五十三

軍臨境勦捕允中剽繁治劇供需不乏遂得捷賊平撫恤窮黎奏除戶口豁免虛糧士民至今感慕之徐遜浙江錢塘人洪武辛未進士二十二年令雩政事修明黎庶安阜時國法嚴重民間以學為諱遜日與諸生講說經史勞來不倦士忻忻嚮風咸知奮勉勸課農桑明罰慎法時稱循吏陞徽州府知府老稚涕泣送之

羅經上杭人由進士宣德元年任知縣愛民興學不修邊幅陞浙江僉事

王琳胡廣黃岡人由監生正統二年任知縣留心愛

士加意恤民嘗謂吾邑事繁役重民已不堪况耕稼之人不諳水石而以之供別郡夫船之役可乎述職於京奏請蠲免各邑水夫比憂去百姓隨而泣送者無算

羅肆廣東番禺舉人成化二十年任知縣時流賊犯境率民禦之有為賊獲者削其髮過半肆遣敢死士諭之曰甯殺我母殘我民賊曰父母也歸之

黃文鉞道州舉人宏治三年任知縣初至得濂溪先生判虔時所為遊羅田巖詩輒曰此吾州先輩也今幸接跡來此邑敢愧其人乎時胥吏尚外宿於政體

零都縣志

卷之七

名宦

五十四

非便乃創吏舍若干又建城舖若干俾巡警者得休息先是節婦劉氏等業聞於朝屬勤者久未報乃曰共姜之節兩間正氣也可緩圖乎亟勘實遂得旌如例其崇尚風教率類此

沈璇蕭山舉人嘉靖二年任知縣出政公平峻潔絕俗常御素布袍人見之輒曰布袍令公也歸之日圖書數卷而已

劉昌祚武進人監生唐荆川先生之甥萬曆九年任知縣博洽聰敏不愧舅氏之學百姓有見者輒能識其姓名以是人不敢欺嘗翦上吉鄉劇寇高魁一等

四境晏然時窩訪之風方熾人人重足而立竟殄絕之俗溺風水有數十年不葬其親者乃刻日諭之畢葬禁龍舟賽神等會民間省費不可勝言陞金華府通判卒於家家故貧至不能葬其清操若此

阮悉廣西懷集舉人萬曆三十八年任知縣質性慈仁廉明公恕下車時卽問民疾苦而次第除之嚴革額外之徵不增毫末里役公謁後竟月不見訓迪頑梗俗漸還淳草蠹胥十九人案牘肅清捐俸置學田以供月課時雩田產大半為他邑宦豪所有而丁役仍存至以一人應三四丁者民多流竄悉拊心嘆曰

雩都縣志

卷之七

名宦

五十五

肥潤在他邑而吾民獨坐困也會歲上版圖乃以糧之盈虛計丁之多寡覈實以登得報可數十年積害一朝剔之士著少甦洎去任士民建生祠祀之
賽啟皋字鰲石雲南石屏州人萬曆四十八年以舉人任雩都令剛果敏達介嚴自守人不敢一毫干以私嚴行鄉約一二囂訟敗類者皆畏威滌慮邑紳士賢者嘗式廬諮訪特創思皇書院勤行月課一時號稱得士革絕火耗獄無冤民嘗攝甯都篆甯號難治啟皋至遇事迎刃案無積牘實心實政至今兩邑之人過祠下者猶有甘棠之思焉

鄭楚勳字全初莆田人崇禎七年以舉人令雩愷悌
慈祥居常喜怒不形學問淵博每臨鉅劇引經據義
不爽機宜苟利於民毅然擔當雖重拂上臺弗顧也
邑諸生欲遷復學宮楚勳力為主持復倡建城隍廟
告成不日及奉修練儲備之旨楚勳從容勸諭一時
百姓如趨父事增築城墉積倉穀備器械練鄉勇皆
實心修舉時分巡副使陳公士奇行縣稱楚勳為江
右第一廉能之吏雩都為江右第一好義之邦及乙
酉丙戌之亂雩城得以安堵者楚勳之功也在任九
年以卓異考選雲南道監察御史邑人祠而祀之

雩都縣志

卷之七

名宦

五十六

陶鎔潛山人建文二年任縣丞夙性剛直涖政且及
兩考冰蘖之操初終不改永樂甲申進版圖詣京師
卒於路邑人悲悼

蔣達湖廣甯遠人洪熙元年任縣丞修葺學宮獎誘
士類賦役均平四民樂業在任九年始終惟一
方茂梧莆田人貢士嘉靖三十七年任主簿性敦樸
言動不妄比聞憂卽日徒跣歸戒其門者曰慎無損
壞衙宇遺百姓修葺苦也其恤民若此

張勝麻城人任典史時長河賊朱紹岡竊發勢甚張
乃激發民夫陳世用等禦之無不以一當百苦援兵

不至遂小却賊圍急猶手戟刺殺十餘人世用等度不免奮槊大呼曰官為保安地方計死則同死耳勝遂與共赴陣死時兵民同死者陳世用李達黃采袁有志盧崇廣劉勇黃勉邱某梅某又有孫茂曾林隨總捕同知王廷珪禦賊於丁陂皆死之

黎天啟順德舉人任教諭文學淵邃行誼純雅陞國子學錄官至知府

蕭棟宣化舉人任教諭其學以敬為主披籍終日如對聖賢家政雍肅卽童僕將事絕不聞聲歎聲不為不欲自筮仕至終任一轍也陞高要知縣終府通判

零都縣志

卷之七

名宦

五十七

國朝

李祐之字在公山東長山人選貢順治十四年任知縣端毅嚴潔練達沉敏先是逋寇李玉廷跳梁於零之北鄉撫軍發兵屢勦久未告捷祐之督衆帥同鄉勇深入賊壘諭以

天威賊皆震懾投降粵賊范日星猶嘯聚東鄉祐之卽用所撫之衆以計擒之己亥秋玉廷聞海寇蠢動決檻復哮郡邑震驚祐之率士民晝夜督守賊不敢逼督府遣將攻圍數月賊恃險負固祐之親歷行間先捕間諜凡賊之恃為腹心者皆以計散之玉廷孤蹙與

親丁數人晝伏宵遁祐之得其踪跡告之鎮將以精卒二十餘人獲於九山田舍縛送幕府賊遂平又雩當孔道距顛為近頻年

王師往來度嶺夫葛糧餉索於雩者為多雖檄下如雨祐之應之裕如百姓不困後陞無為州知州雩人立祠祀之

盧振先字孝則盛京錦縣人初任岳陽再調大同以憂歸服闋補授雩令折訟剔奸平情達隱甫下車有閩人吳臨美恃其驍勇哨聚雩之大田鄉以圖竊發居民驚動振先單騎往諭臨美感悔散去雩俗素惑

雩都縣志

卷之七

名宦

五十八

形家言有停櫬數十年不葬者振先力諭瘞殯另以官地為漏澤園未幾洪水泛城幸免露泚水退更砌河隄三層以固城垣水患稍息歲癸巳

覃恩蠲賦奸佃籍口滋事聚衆猖獗上司將有題請蕩平之意振先懇切保全收除首惡撫散脅從民賴以安其他修文廟新縣治整飭分司防汛諸盛舉政聲卓卓後陞沔陽州知州去之日雩人泣送河干如失慈母焉

左修品字遜五號松操湖廣衡陽監生初任羅山調繁安陽以憂去服闋改雩都雩自乙卯丙辰後莅斯

土者率以寬馭下民漸驕悍公下車痛懲積弊持法嚴明鋤奸戢匪建書院禁停喪改闢學宮士民改轍甫二載調繁德化將赴任以事窒誤輿論惜之顏壽芝字香陔湖北荊州府松滋縣人由副榜謁選宰雩都甫下車即以救民化俗為己任操守廉潔聽斷勤明庭無留獄人不能欺雩俗好械鬪命件多圖賴良懦受害者指不勝屈侯刊布俚語家諭戶曉民俗丕變間有匿稅罰欸悉懸牌充公毫無妄取而待士尤加厚雩陽書院考棚毀於賊即捐廉二百餘金倡議修復四鄉感之踴躍捐輸遙觀厥成向來生童

膏火為數無幾侯設法加增公餘課士必親加郢削郡城雩都公館購基創造費約八百緡半籌欸半捐廉明中丞李養愚先生墳山被人混佔訊明斷回原業捐廉五十兩倡勸李姓及外姓共助錢數百串為建祠立後此外關帝城隍昭忠各廟及城樓牆垣皆籌欸修葺在任四載百廢具興庚午秋以賠墊太重稟請卸事闔邑為立祿位於書院之西以誌其德臨別如孺子失慈咸涕泣祖餞循吏之稱夫何媿焉論曰黃石有言賢人君子明於盛衰之道審乎治亂之勢時至而行則極人臣之位得機而動則成絕代

之功是以其道足高而名重於後代夫令丞尉典之職其治不出於一方則其功不能以數世此其大較也雖然古之書於功布勒於名彝者豈必皆鈞軸之望槐棘之選通侯開府之資耶雩之宦蹟五代以前書缺有閒矣紀之自宋陳公弼始後之繼起者繭絲保障皆一時之賴百世之思也於虞自漢立縣以來牧長於斯者無慮數百人其傳者何以止二三策其不傳者比比皆是也夫亦可以深長思矣爾俸爾祿代不絕人其亦務於後世之名哉